



4. januar 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninnga apeqquteqaateqarpunga:

Naalakkersuisunut apeqquteqaatit:

1. **Nuna tamakkerlugu akileraarutip procentpoint-ikkaarlugit appariartortillugu qaffakkiartortillugulu qanoq annertutigisumik nunatta karsianut akeqassava?**
2. **Sulinermut ilanngaat ukiumut 1.000kr.-mik qaffattaraanni qanoq akeqassava?**
3. **Inummut ilanngaat 1.000.kr-mik qaffanneqaraangat qanoq akeqartassava?**
4. **Kattuffiit ilaasortaanermut akiliutaat, ernianut akileraarutitut ilanngaat il. II. nalimmassaatigineqartartut peernerisigut nunatta karsianut qanoq naleqassava? Allattorsimani tullerriaartunngorlugit allattorsimanissaat kissaatigaara, ilanngaatit assigiinngitsut tamarmik ersarissunngorlugit.**
5. **Ilanngaatit tamarmik peerneqartut assersuutigeriarutsigu, qanormita akileraarut appartigissagaluarpa, nunattalu karsia atuinerulernanilu pissarsinerulernani?**
 - a. **Sulinermut ilanngaat paariinnarlugu ilanngaatilli sinneri peeraanni akileraarut qanoq annertutigissagaluarpa?**
6. **Naalakkersuisut pilersaaruteqarnerlutik isertitaqqortuut akileraarutaannik eqqussinissaminnik, soorlu 1 million koruunit sinnerlugit ukiumut isertitalit akileraarnerusalernissaannut?**
 - a. **Isertitaqqortuut akileraarutaat 1 million sinnerlugit isertitalinnut 10 procentiusoq Nunatta karsiata isertitaanut qanoq naleqassava?**
7. **Naalakkersuisut qaqugumita akileraartarnikkut aaqqissuusseqqinnissamut isumaqatiginninniarnermut aggersaassappat?**
8. **Naalakkersuisut sammisamut allanik paasissutissiisinaanerlutik?**

(Inatsisartunut Ilaasortaq Jens-Frederik Nielsen, Demokraatit)

Tunngavilersuut

Naalakkersuisut inissimmatali akileraartarnikkut aaqqissuusseqqinnissaq tusartalerparput.



Tamanna pisusaaq allaat siunnersuutininik itigartitsinernut tunngavilersuutigineqartarpoq. Ajoraluartumik Naalakkersuisut matoqqasorujussuarmik ingerlatsineq toqqarsimavaat, Inatsisartut innuttaasullu paasissutissanik perpiarneq ajorlutik. Tamanna uggornarpoq akornutaallunilu.

Akilerartarnermut aqqissuusseqqinnissaaq pillugu Inatsisartunut pingaartuuvoq iluamik piareersarluarnissaaq, tamannalu pissappat pissusissamisuuginnarpoq paasissutissanik pissarsinissaaq. Naalakkersuisulli paasissutissanik tunniussinngiivinnissani aalajangersimavaa tamannalu tunngavigalugu apeqquteqartariaqalersimavunga.

Erseqqissaassutigissavara apeqquteqaatika politikkikkut inissisimalersuutaanngimmata. Isumaqatigininniarnissalli pillugit paasissutissanik piareersaatitut apeqquteqaataapput. Soorlu isumaqatiginngilluinnarpara isertitaqqortuut akileraarnerutaat apeqquteqaatini normu 6-iusoq, apeqquteqaalli ilaavoq innuttaasuniit naluneqanngimmat Naalakkersuisooqatigiit naligiinnerulernissamut siunertaqartut Inuit Ataqtigillu ukiorpassuanngortuni isertitaqqortuut akileraarnerunissaannik oqariartuuteqartuni siuttuusarsimmata.

Apeqqutit ullut qulit suliffiusut iluanni akineqareersimanissaat kissaatigaara.